

রাসূল সা:-কে নিয়ে কটুক্তির প্রতিবাদে সংসদে নিন্দা প্রস্তাব পাস করুন : আল্লামা মুহিবুল্লাহ বাবুনগরী
চট্টগ্রাম ব্যুরো ১৯ জুন ২০২২, ০০:০০

হেফাজতে ইসলাম বাংলাদেশের আমির আল্লামা মুহিবুল্লাহ বাবুনগরী বলেছেন-ভারতে মহানবী হজরত মুহাম্মদ (সা:) ও উম্মাহাতুল মোমেনিন মা আয়েশা ছিদ্দিকা (রা:) সম্পর্কে অবমাননাকর বক্তব্যের প্রতিবাদে অবিলম্বে জাতীয় সংসদে নিন্দা প্রস্তাব পাস করতে হবে। তিনি ভারতীয় হাই কমিশনারকে তলব করে নূপুর শর্মা ও নবীন কুমার জিন্দালকে গ্রেফতার করে দৃষ্টান্তমূলক শাস্তি দেয়ার জন্য ভারত সরকারের কাছে দাবি জানাতে সরকারের প্রতি আহ্বান জানান। মহানবী হজরত মুহাম্মদ (সা:)-এর অবমাননার বিরুদ্ধে মুসলিম বিশ্ব ফুঁসে উঠলেও বাংলাদেশের সরকার ভারতকে খুশি করতে নীরব ভূমিকা পালন করছে।

সম্মেলনে হেফাজতের মহাসচিব আল্লামা সাজিদুর রহমান আলেম-ওলামা ও দেশের সর্বস্তরের জনগণকে রাসূল (সা:) অবমাননার প্রতিবাদ করার জন্য ধন্যবাদ জানান। তিনি বলেন বিশ্ব নবীর অবমাননা কোনো মুসলমান সহ্য করবে না। সবার ঈমানী দায়িত্ব রাসূল (সা:) ও মা আয়েশা (রা:)-কে নিয়ে কটুক্তি করার প্রতিবাদ সবার জন্য ফরজ। সম্মেলন বক্তারা ভারতীয় পণ্য বর্জনের আহ্বান জানান।